

Boetio testificante¹. Nam catholicis et fidei veritas et raritas miraculi constat. Humanitas dignata divinitate poenam, cui per praevaricationem primi [hominis]² mortificata subiavit, per nativitatem secundi misericorditer evasit, iuxta illud³: *Sicut in Adam omnes moriuntur, ita et in Christo omnes vivificabuntur*. Inde etiam ex assumpta humanitate ieiuniis affici, somno comprimi, convitiis obprobriisque coangustari, ligari, captivum duci, flagellari, colaphizari, derisui haberi, ad ultimum crucifigi, lanceari, morteque spatio teneri, sepeliri, dein tertia die devicta morte eum resuscitari, catholice confitemur. Credimus etiam, angelis eius subministrantibus, cunctis eius discipulis aspicientibus, elevatum in caelum, ut ipse est testatus⁴: *Ascendo ad patrem meum et patrem vestrum, Deum meum et Deum vestrum*; et nos in die tremendi examinis resurrecturos, cum venerit filius hominis in maiestate sua et reddet unicuique, alii sic, alii autem sic⁵, omnibus tamen secundum opera⁶ sua diviserit premia sempiterna; bonis vero dicendo⁷: *Venite benedicti patris mei, malis autem: Discedite a me, maledicti, in ignem aeternum, qui praeparatus est diabolo et angelis eius*.

Si generalis fidei veritas ab omnibus huiusmodi celebretur chisticolis, aut ego in aliquibus a tramite rectitudinis deviaverim, postulo, ne respiciatis personam meae tantillitatis, nec vultum cupiam divitis, sed iusta iudicia inter me et obloquentes, mihi notam criminis inponentibus⁸, *Iudicate, ut non iudicemini. Videte si est dolor ut meus*⁹. Vitam, quae Christus est, me denegare confitentur, quia ipse dixit¹⁰: *Ego sum via et veritas et vita; qui me invenerit, inveniet vitam*¹¹. Tu Christe, cui nihil tenebrosum nihilque obscurum est, sed omnia manifesta, *discerne causam meam* et a supplantatoribus *erue me*¹² dexteræ tuæ fortitudine et a praeceptorum tuorum supergressoribus vindica me, cum quibus discipulos tuos es instruere dignatus¹³: *Si peccaverit frater tuus, vade, corripe eum inter te et ipsum solum. Si te non exaudiverit, adhibe unum vel duos; si autem non eos, dicatur ecclesiae*. Quod tertium et ultimum, duobus neglectis superioribus praeceptis, contra evangelica statuta in me, mihi minime promerenti, inlicite protulerunt, quod eum abnuerem, quem a primevo flore iuventutis ultra omne

1) De fide cathol. ed. Peiper p. 182. 2) Fehlt in der Hs.

3) 1. Cor. 15, 22. 4) Joh. 20, 17. 5) Vgl. 1. Cor. 7, 7. 6) Luc. 9, 26; Matth. 16, 27. 7) Matth. 25, 34. 41. 8) Matth. 7, 1. 9) Thren. 1, 12. 10) Joh. 14, 6. 11) Prov. 8, 35. 12) Psalm. 42, 1. 13) Matth. 18, 15—17.